

Broj: 01-2-567/25

Datum: 5.5.2025. godine

ZAPISNIK

Sa 39.(tridesetdevete) redovne sjednice Nadzornog odbora JU Biblioteka Sarajeva održane dana 24.4.2025.godine (četvrtak), sa početkom rada u 15:00 sati.

Sjednicu je otvorio i istom predsjedavao Senad Cvrk, predsjednik Nadzornog odbora, konstatujući prisutnost članova Nadzornog odbora u sastavu:

- Senad Cvrk, predsjednik Nadzornog odbora JU Biblioteka Sarajeva;
- Selma Dalipagić, članica Nadzornog odbora ispred kolektiva;
- Vildan Hadžihasanović, član Nadzornog odbora JU Biblioteka Sarajeva.

Sjednici prisustvuju direktorica JU Biblioteka Sarajeva, Merima Lendo i Edhem Kurtić voditelj Službe za ekonomsko-finansijske i opće poslove.

Zapisnik vodi Azra Šabanić, tehnički sekretar.

Nakon što su utvrđene zakonske pretpostavke za efikasan rad i odlučivanje na sjednici, predsjednik Nadzornog odbora je predloženi Dnevni red dao na razmatranje i utvrđivanje kako slijedi:

1. Usvajanje Dnevnog reda;
2. Usvajanje Zapisnika sa 38. redovne sjednice Nadzornog odbora JU Biblioteka Sarajeva;
Prilog: Zapisnik sa 38. redovne sjednice Nadzornog odbora JU Biblioteka Sarajeva;
3. Budžetske instrukcije broj I(DOB 2026-2028);
4. Operativni plan za drugi kvartal 2025. godine;
5. Razno.

Ad. 1

Predloženi Dnevni red je jednoglasno usvojen.

Ad.2

Zapisnik sa 38. redovne sjednice Nadzornog odbora JU Biblioteka Sarajeva je jednoglasno usvojen.

Ad.3

Kao izvjestilac treće tačke Dnevnog reda, Budžetske instrukcije broj I(DOB 2026-2028), Edhem Kurtić voditelj Službe za ekonomsko-finansijske i opće poslove, navodi da su na osnovu Budžetskih instrukcija br.1 za izradu Dokumenta okvirnog budžeta za period 2026-2028 od aprila 2025. godine i obavijesti Ministarstva kulture i sporta Kantona Sarajevo od 8.4.2025. godine dostavljene tabele Dokumenta okvirnog budžeta za period 2026-2028 za Budžetskog korisnika JU Biblioteka Sarajeva. Iz priloženih tabela vidljive su potrebe , okvirno , finansijska sredstva na raznim pozicijama.

Treća tačka Dnevnog reda primljena k znanju.

Ad.4

U skladu sa Obavijesti za Operativni plan za drugi kvartal 2025. godine dostavljen je tromjesečni finansijski plan (Z1) za mjesec april, maj i juni 2025. godine za budžetskog korisnika JU Biblioteka Sarajeva. Plan je sačinjen u tabelarnom prikazu i kao takav dostavljen u Ministarstvo finansija Kantona Sarajevo.

Četvrta tačka dnevnog reda primljena k znanju.

Ad.5

Pod tačkom Razno direktorica JU Biblioteka Sarajeva, Merima Lendo navodi novosti u poslovanju kako slijedi:

- Izvršena je primopredaja poslovnog prostora u ulici Mustafe Dovadžije 17, odjeljenje JU Biblioteka Sarajeva – Vratnik, a pomenuto odjeljenje je preseljeno na novu lokaciju u ulici Mula Mustafe Bašeskije 33. U narednom periodu slijedi otvorenje odjeljenja;
- U skorije vrijeme zapičinje još jedna faza adaptacije na pozajmnim odjeljenjima, a novčana sredstva za navedeno obezbijeđena su u okviru projekta Federalnog Ministarstva za izbjeglice i raseljena lica;

- Ustanova je aplicirala na Programe Zavoda za zapošljavanje Kantona Sarajevo i to za četiri uposlenika pa se nadamo pozitivnom ishodu.

ZAKLJUČCI:

- **Jednoglasno usvojen predloženi Dnevni red;**
- **Zapisnik sa 38. redovne sjednice Nadzornog odbora JU Biblioteka Sarajeva, jednoglasno usvojen;**
- **Treća i četvrta tačka Dnevnog reda pojašnjene od strane Edhema Kurtića voditelja Službe za ekonomsko – finansijske i opće poslove te kao takve primljene k znanju;**
- **Novosti vezane za poslovanje biblioteka predočila direktorica Merima Lendo.**

Sjednica je završena u 15,30 sati.

Zapisničar

Azra Šabanić

Predsjednik Nadzornog odbora

Senad Cvrk